

Tin algo tras di e 20 mil di Tele Aruba

ORANJESTAD (AAN) Expertonan den mundo financiero a cuminsa pone atencion na e asunto di Tele Aruba, caminda cu gobierno a bende e planta nacional di television pa solamente 20 mil florin y e forma con Parlamento cu 12 marioneta di un dia pa otro a bisa "Ja baas, Nee baas" pa cumpli cu orden cu nan a haya di Prome Ministro.

"Ni un auto drechi hende no por cumpra awendia mas pa 20 mil florin", tabata reaccion di un accountant kende a acerca DIARIO pa cuestiona henter e asunto di Tele Aruba. "Cos a para bira asina vies na Aruba cu ningun hende por bisa gobierno y specialmente e prome ministro nada pasobra ta mesora tur hende ta haya di tende cu e prome ministro tin mas cu 30 aña den politica y ningun hende por bise algo".

"Manera cu esaki no tabata suficiente denigrante pa tur hende cu haya algo asina di tende, cada siman e prome ministro cada biaha ta blo gaba cu su 12 asiento, lubidando cu 12 asiento cu su gobierno a haya mester ta un berguensa pe pasobra cu 12 asiento ainda e no por a logra di hiba un gobernacion drechi".

"Mi tin mas cu 30 aña den politica no kiermen cu bo ta haciendo 30 aña e trabao manera mester ta pasobra si bo ta un carpinte cu 30 aña largo ta claba un clabo na manera robes anto ta 30 aña largo bo no ta carpinte, pero Doblado di clabo y esaki ta tipifica e mentalidad y e forma di proceder di nos prome ministro y su go-

bierno".

"E forma con nan a atende e asunto di Tele Aruba ta muestra un arogancia sin limite y un falta di seriedad pa propiedad di pueblo y peor ainda, e ta muestra un falta di respet pa tur trahador di Tele Aruba".

Segun reaccionnan cu nos a

haya, e asunto di 20 mil florin pa Tele Aruba no ta holer bon y cu pueblo mester tene bon cuenta cu kizas ta un trampa a wordo traha pa laga e asunto rebenta y mayan tanto e trahadornan como esnan cu Tele Aruba mester paga debenan atrasa por bien lubida cu nan ta haya nan placa di Tele Aruba.

"Di con miembronan di fraccion di AVP no a bay entrega un keho na Ministerio Publico si nan mes ta bisa cu loke gobierno ta haciendo cu Tele Aruba ta algo contra ley?"

"Keda pendiente pasobra tin algun puito pa sali di e macuto y asina tambe e gobierno di Nel Oduber ta bay haya su

mes cu asina hopi problema y escandalu manera den pasado ya caba tabata e caso, cu Nel no por sigui goberna mas" tabata reaccion di diferente hende cu ta sigui desaroyonan gubernamental di cerca y a cuminsa señala na prensa cu lo bay tin tension grandi durante simannan cu ta bin.

Ultimo desaroyo den e caso di Tele Aruba:

Gobierno a bay di acuerdo pa modifica pakete cu FTA a presenta

ORANJESTAD (AAN)-- Relaciona cu e ultimo desaroyonan relaciona cu e caso di TeleAruba, Diabierna anochi, Sr. Anselmo Pontilius di FTA, durante un entrevista cu DIARIO a manifesta cu gobierno a bay di acuerdo pa acepta e pakete cu nan a modifica pa regla e situacion di e trahadornan di e planta di television.

Pontilius a señala cu den e pakete aki ta referi na varios punto, entre otro, e parti financiero di e trahadornan.

Pero na otro banda, a recalca cu te ayera anochi, no por a logra cambia e pensamiento di loke SETAR N.V. ta ofreciendo na e diesun trahadornan.

E representante di e sindicato a subraya cu ariba e ultimo punto nan lo bin bek ariba dje, pero nan lo keda pendiente pa reuni cu e trahadornan den e proximo oranan y si e trahadornan bay di acuerdo cu e condicionnan cu ta ariba mesa, e ora ey, FTA lo instrui nan pa reasumi e trabao.



AYO NIEUWE HUIS!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455

Reki

pa seca paña

Antes Afl. 29,95

Awor Afl. 24,95